

الرشاد

س ۶ ۱ ۳۰ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفته لقي مجموعة اسلاميه در اتبعون اهدكم سبيل الرشاد

صاحب و مدير مسئول : ح . اشرف اديب

جلد ۲ - ۹

۲۹ تشرين ثاني ۱۳۲۸

پنجشنبه

۲ محرم ۱۳۳۱

عدد ۴۰ - ۲۲۲

ایده میهن، ایرانده و خصوصیه نجف و کربلا ده متمکن برطاقم زهد و تقوی انترقیه لریله علمادن کچینلرک تأویلات دینییه مستنداً ایقاع ایتدکاری نفاق آمیز مشکلاته رغماً بوا یکی ذات مقتضیات عصری نظر دقته الهرق، اسلامیتک استقبالی دوشونهرک مسلمانلره برروح تجددک نفخی ایچون الارندن کان فداکارلقدن چکنمدیلر... فقط نه چاره که ایرانلر حقنده هر تجاوزی جائز کورن، انلرک عزت نفسی، حقوقی، شرف استقلالنی - اوطان اسلامیهنک سائرلرنده اولدینی کبی - متنباه عداایتمین روس وانکلز حکومتلری ایرانک یوزینه حیات یوللرنی باغلامق و او حکومت اسلامیهنی جان بولمدهن ازمکی کندیلرینه بروطفه مقدسه! عداایتمشردی... ایرانلرک شوق تجدد خواهانهلرینه برضربه ایندیرمک ایچون ایرانیسانک دکل، بتون طرفداران ناموسک نفرتنی جلب ایدن شاه مخلوعک ایرانه عودتنی عهد ایتمشردی...

ایرانک مهابت سیاسیهنی، یعنی روسلرک ایران امورداخییه سنه مداخله ایلر ایرانک شوکت و نفوذینک کسرنی، ایرانلرک جبراً ارتجاعه طوغری سوق ایتمه نی، مقدرات دینیهرینه تجاوز ایلمه نی، مشهد امام رضانک تخریبی، عاشورا کوننده ثقة الاسلامک و بر چوق علماء عظامک صلب ایتمه نی، حاصل کلام روسلرک ارتکاب ایتدیکی بوی نهایی نجایی مشاهده ایدن بوا یکی قلب ذی حیاث اریمش و وجدانلری دارالمشدی...

ایرانک اکثریتی تشکیل ایدن قافلر ایسه بوا یکی رهبراصلاحک مساعی دیات شعارانهلرنی تقدیر ایتمه مکده و ایرانک اتحاد و تفاقه محتاج اولدینی بر زمانده ترددلر و اجتهادات دین نامیه اختلافلر کوسترمکده ایدیلر....

آرتق بوغولان بو حساس قلملر کچن سنه و بوسنه ایرانک و بتون عالم اسلامک دوچار اولدینی اضطرابادن مضطرب ایدیلر.. شیخ خراسانی کچن سنه نک وقایع مصائبشچونندن متأثرآوفات ایتدیکی کبی خلفی ده برکون بواضطرابات الیه کوچوره جکدی.. ایشته بوکون، اسلامیتک ماجرای حزن آمیزندن دلخون اولان (شیخ عبده) مازندرانی ده سلفنک انتقال ایتدیکی دار بقایه کوچدی.. ایرانلرله برابر بتون حساس اسلامیانی ده غریق تلهف ایتدی...

ابوالفتوح

مکاتیب

هنرمندانه نگارش مخصوص صمد زاده :

هند یولنده

- ۱۵ -

کریم زنجف علمی

خطه عراقیه ده موجود اولان مذاهبک باشلیجه لرندن بری ده

ملینک دها یوکسکی، فوق تصور ایدیه میو دی. مجلس ملینک اوکنده اجتماع ایدن اهالی میاننده «زنده باد امپراطور آسیا» (یاشاسین آسیا امپراطوری) دیه باغرائلر اولمشدی.

طبیعی بوقدر سودیکی پادشاهنک اولومنی ایران اهالیسی بویوک بر تأثرله قارشیلادی. بتون ایران شاهه نوحه کر اولدی. هر یرده روح بر فتوحنه فاتحلر اوقوندی. حقنده خاطرلره کوزل خاطرلر نقش ایدلدی. ماتمنده صیجاق کوز یاشلری دوکولدی.

رسول زاده

محمد امین

تراجم احوال

شیخ عبدالله مازندرانی

ایران حکومتنک تشبثات تجدد کارانه سنه فرصت بر اقیه رق قائل و خبیع مظالم کونا کونیه بتون اسلاملری داغدار ایدن، روس حکومتنک تبریزده صلب ایتدیکی علمالر، تخریب ایتدیکی خانمانلرک تاریخ حزن آلودی بو کونلره تصادف ایدیور. بو هر زمان یاد اولنسه کر کدر...

ایرانلر کچن سنه نک محرمنده هم اماملری، هم خانمالری، هم تبریزده، رشتده صلب ایدیلان یشوالری ایچون حزن آلود بر دوره مصیبت کچیردکاری کونلرده ایدی که تاغرافلر نجف علماسنک متحسی و مجتهدین ایرانیه نک اک متفکری اولان مرحوم (شیخ محمد کاظم) خراسانک خبر وفاقی تبلیغ ایتدیلر.. مشارالیه نجفدن معیتده بر قافله علما اولدینی حالده ایرانه مهیای عزیمت ایکن مجهول برسبیله فجأة وفات ایتش ایدی... ایرانک موجودیت اسلامیهنی بر چوق نچهلرک حملات مهلکه سندن قورتارمغه چایشان شیخ محمد کاظم ک رفیق عزیمکاری حیاتنده اولدینی کبی کنديسندن صکرده مجتهدین بنامدن (شیخ عبده) مازندرانی ایدی...

بوا یکی ذات روسلرک ایرانه ایلک آن تجاوزندن بری، آتینک مظلم بر مهمیتله محاط اولدینی بیلدکاری ایچون امکان داخلنده نه یاقی لازم ایدیه یایدیلر.. وهیچ بر مساعی انقباه کارانه یه مراجعت ایتمکدن کبری طورمادیلر... فی الحقیقه، نجف ناحیه مقدسه سندن نشر اولنان متعدد فتوالری ونصیحت نامه لریله، ایستر ایرانده اولان پیروان دینی لری، ایستر عالم اسلامک نقاط سائرهنده طائیانلری میاننده مهم بر تبدلات تجدد خواهانه یه سبیت ویردیلر...

ایران تاریخ انقلابی هر نه زمان یاد اولنسه بوا یکی مجدد متفکرک اسلاملری اوروپا لیا شمع ایچون دکل؛ اسلاملا شمع و بر علاقه متین اخوتله یکدیگرلرینه ربط ایتک ایچون کوستردکاری مساعی دور اندیشه لری ظاهر اولور...

کندینه مالک اوله میان، کندی هوسات نفسانیهنی مغلوب

اطراف و اکناف بلاد جعفریه ایله جعفری المذهب اردن کوندربلن (زکات) اموال دن حاصل اولور . فقط بوکان پاره لر آ ز ظن و تخمین اولنسون ، بالعکس هر سنه اون بیکلر و یوز بیکلرجه لیرالر تشکیل ایدر . بو پاره لر هر نه قدر مجتهد کوندربلیور ایسه ده ، حقیقت حالده یالکیز کندیسنه دکل ، بالعموم فقرا وضعفایه ، طلابه کندی معرفتیه طاعیلق ایچون اسبال اولنور .

بو (جامع الشرائط) اولان مجتهد بو اموال موروده بی زهد و صلاح ، دیانت و ورع ایله متصف و تحصیل علوم ایله اشتغال ایدن طلاب علوم ایله ، صو ک درجه فقرا وضعیف الحال بولنان ایتم و ارامله ، فقرا وضعفایه توزیع ایلر ، کندی معیشتی اداره ایده جک قدر بر مبلغی ده آروجه کندیسنه صاقلار .

احوالی بالاده عرض و بیان اولنان بو مجتهدلرک عددی نجف و کربلا ده ، سامرا ده چوق اولیوب ، بالعکس یک محدود و معدود در . نجفده کیلر ایچنده الک زیاده وسعت علم و شهرتی حائر اولان یکانه مجتهد الحاج (ملا عبدالله) مازندران ، کربلا ده ایسه (سید صدر) اصفهانی ایله (الحاج شیخ حسین) مازندران حایری و سامرا ده ایسه (شیخ محمد تقی) شیرازی نام ذواتدرکه عدلی آلتی بی ، یدی بی تجاوز ایتیمور . ایدمی بویدی ذاته جهان اسلامیتده کی سکسان میلیون شیعی و جعفری - المذهب کیمسه لر کور کورینه مطیع و منقاد ، مقید و مربوط بولنیورلر . بونلرک اصدار ایلدکاری بر امر و یا بر فتوایه بوتون پبرو و معتقدلری طرفدن اطاعت ایدیلر . بونلره ینه مرید و اتباعی طرفدن کون ، هفته یوقدرکه ، بیکلرجه مکتوبلر ، استفتا نامه لر ، سؤالر ، استیضاحلر وارد اولسون . ورود ایدن اسئله و رسائله علماء و مجتهدین مشارالهم حضراتی برر برر کمال تدقیق و تتبع نتیجه سنده شافی ، وافی جواب اعطا ایدوب کندی مرید و مقلدلرینک مشکللرینی حل ایدرلر .

نجفده ، کربلا ده ، بوتون عتباتده علمای شعیبه و جعفریه نک خانه لری ، سلامقلری برر محکمه دعاویدن عبارتدر . بو محاکمه ، پول رسم ، احضاریه اجرتی ، قیدی پاره سی ، مباشر و اجرا مأموری معاشاتی یوقدر . مجتهد بالذات حاکم اولدینی کبی ، اوشاغی ده مباشرلک وظیفه سنی اجرا ایدر . مجتهدک نزدیکه شکایت و ادعا ایچون هر کون بر چوق کیمسه - ذکور و انات - مراجعت ایدر و دعوا سنی حل و فصل ایتدیرر .

هیچ بر مرتب و مزین محکمه یه ، مذاکره او طه سنه مالک - و محتاج - اولمیان بو مجتهدلر یالکیز دعاوی حقوقیه بی فصل و حله تشبث ایدوب ، سائر منازعات ، جزا و جنحه ایشلرینه با قازلر . بو محکمه لرده بیع ، شراء ، ایجار ، وکالت ، کفالت ، مصالحه ، رهن ، امانت ، نکاح ، طلاق و بوکا متعلق هر نه قدر دعاوی فقهیه و حقوقیه و ارسه جمله سی تسویه و رؤیت اولنور . بر مجتهد طرفدن ویریلن حکم - که مهور بر حکمنامه دن عبارتدر - دیگر بر مجتهد نزدیکه استیناف اولنه من . ایکنجی مجتهد ، برنجینک ویردیک حکمی تصدیق ایتسه بیله ، ارتق هیچ بر کیمسه نک اعتراضی قاله ماز . چونکه مجتهدلرک

(جعفری) مذهبیدر . بومذهب متمسک اولانلرک عددی میلیونلره بالغ در . هر نه قدر تحریر نفوسه نظرا - هنوز عراقده لایق وجهله تحریر نفوس معامله سی اجرا ایدلما مشدر - بر میلیونی تجاوز ایتیمور ایسه ده ، حقیقت حالده جعفری المذهب اولانلرک عددی هر حالده تخمینی اوله رق درت میلیونی متجاوزدر . تحریر نفوسه داخل اولان شیعیلر ، یالکیز ولایت ، لوا ، قضا و ناحیه لرده رسماً اقامت و توطن ایدنلرک عبارت اولوب ، کوچیه لک و صحرانورد اولان قبائل - شیعی المذهب اولانلر - عرب هنوز تحریر نفوسه داخل دکلدر . خطه عراقیه شیعیلری ، بغداد ، کربلا ، نجف ، کاظمیه ، سامرا و سائر بغداد ولایتیه تابع محلات ایله بصره ده متوطن بولنمقده درلر . بومذهب متمسکلرندن هیچ بر یر خالی دکلدر . حتی دیه بیلیم که خطه عراقیه ده کی شیعیلرک عدد و ادراک نقطه سندن فوق العاده اهمیتلری وارددر .

بو شیعیلرک جمله سی نجف ، کربلا و سامرا ده بولنان (ایرانی) و علمای جعفریه نک نفوذلری آلتیده بولنمقده و تمامیه آنلرک اوامر و نواهی لرله طاورانمقده درلر . شیعیلر اوزرینه بو علمالرک نفوذلری اوقدر چوقدرکه بو کون علمای مشارالهم آنلری ایستدکاری کبی - آرزولری وجهله - چویرمه مقتدر بولنیورلر .

بر شیعی ، ایستعرب ، ایستعجم ، کرد ، ترک هر هانکی عنصره مربوط اولورسه اولسون ، علمای مشارالهمک اوامرینه حرفیاً - دین و مذهب نقطه سنندن - اطاعت ایتمه مجبوردر . هیچ بر دین و مذهب متمسککاری کندی رؤسای روحانیه لرینه شیعیلر قدر مربوط و مطیع ، حتی مقید بر ملت یوقدر . شیعی و جعفری عالملری ، مشایخلری - دین شیخلری - عالم ، متفقه بولنمقله برابر ، عابد و زاهد کیمسه لردر . بو ذوات محترمه اصلاً امور دنیویه اعتنا و اهمیت ویرمیه رک دائماً تعبد و ترهد ایله خلقی هدایت و ارشاده ، القای مواظظ و نصایح ایله ، اشتغال ایدرلر . بر جعفری المذهب عالمی مدت حیاتنده اوچ درت قات ساده ، بسیط و جزئی بر پاره ایله تدارک ایدیله بیله جک البسه ایله تلبس و قناعت ایتدیک کبی ، کیجه ، کوندوزیمکی ده بر قاج قاشیق ات صویله چوربادن عبارتدر .

بو مجتهدلر اکثریت آراء و سائر علمالرک تصدیقلریله پایه اجتهاده واصل اولورلر . اجتهاد پایه سنه التمش یا شدن صوکره یتشیلیر . اوزمان امور دینه حقنده کندی نقطه نظرینی یازار و مقلدلر پیدا ایدر . مقلد - قافک فتحیه و لامک کسریله - مجتهدی تقلید و آکا تبیت ایدن کیمسه درکه تقلید اولنان مجتهده دخی مقلد - قاف و لامک فتحیه - دینور .

درجه اجتهادی احراز ایدن مجتهدک آرقه سنده اقشام صباح نماز قیلدینی کبی ، هر کون رحله تدریسنده ده یوزلرجه ، بیکلرجه طلاب تحصیل علوم دینه ایلرلر .

مجتهدک کچه جکی امور معاشی (حق الامام) تعیر ایلدکاری

ویردکاری حکمه خاطر، کوکه رعایت ایدلدیکی کبی، رشوت وارتکابکده وقوعبولیه جغه هرشیعی قانع اولدیغندن، محکومک کردنداده اطاعت واتیقادی اولسندن بشقه برچاره سی قالمز. بو مجتهد محکمه لری طرفندن هیچ بر رسوم طلب اولندیغنی کبی حکم ایچون ده برشی طلب ایدلمز.

هنوز محکمه یه مالک بولمیان بعض ایران قونسولوسخانه لرنده وقوع بولان دعاوی، بوکبی مجتهدین حضراتنه حواله ایدیلوب، ویریلن حکمی قونسولوس اجرا ایدر.

بالاده جامع الشرائط مجتهدلردن صکره ایکنجی درجه ده علما دخی واردرکه بونلرکده حرمت و اعتبارلری آز دکلدرد. انجق مقلدلری یوقدر. مجتهدلر ایسه نمازلرینی - نجفده، حضرت علی؛ کربلاده، حضرت حسین؛ کاظمیه ده، حضرت امام موسی الکاظم؛ سامرا ده، امام حسن العسکری ائمه حضراتنک مرقد شریفه لری مدفون بولنان (ضریح شریف) ک خارجنده کی صخلرده قیلار ودرس وموعظه لرینی ده اوراده ایفا واجرا ایدرلر.

حال حاضرده کی مجتهدلر صوک درجه دیانت ومشروطیت پرور ذوات اولوب، کرک ایران، کرک عثمانلی مشروطیتی صوک درجه تأیید وخلقه تبعیت ایللری لزومی اطرافیه تفهیم ایلشلدرد.

خطه عراقیه ده کی ایران مجتهد وعلما لرنک همت عالییه ومساعی مشکوره لری سایه سنده بوتون جعفری المذهب قبائل وعشایر مشروطیه حرمت و اعتبار ایلکده درلر. بونلرک تاقیناتنه وافتالرینه قارشو، بدخواهانک تلقینات واغوالری پاره ایتماش واک صکره کرکی کبی قبائل بیننده مشروطیت محبتی یرلشوب کوکلشمشدر. بوسنه اون تموز رسم یکیدینه اشتراک ایدن بوتون قبایل وعشایر شیخلرینک بغداد اتحاد وترقی قلوبنده بیان ایتدکاری حسیاتلری هپ بومجتهدلرله خطه عراقیه ده موجود اولان کنج وسائر مشروطیت مجبارینک تلقیناتندن ایلروکلدیکی هر درلو اشتباهدن ازاده در.

ن.م. توفیق

کربلا

مَطْبُوعَات

اجنبیلر بزه درس حیات ویریورا

کجن کون اقدام جریده سنه بک اوغلنده مقیم فرانسلر طرفندن متعدد امضالرله کوندریلن مکتوب حیات آموزدر:

«محرر افندی

برمدندن بریدر، فرانسه پولتیقه سی علیهنده مجاهده ایتدیکیزی کوروپورز. سزی اک زیاده تأمروهیجانه کترین شی، خرسیتانلر علیهنده ارتکاب ایدیله جک افسال قبیحه دن ترکیای مشول طومقی یولنده اولان فرانسه ادعاسی اولدینی کوریلور.

فرانسز اولدیغمز ایچون، کندی مملکتمز اولان فرانسه علیهنده کی مقالاتکزدن مکدر اولماقماغمز ممکن اولیور؛ فقط هرشیدن مقدم عدالت

وانصاف طرفداری اولدیغمز دن سزک بوخصوصده حقکز بولندیغنی تسلیم واعترافده مجبور اولیورز.

بز، برچوق سنه دن بری ترکیاده ساکن بولنیورز. حتی ممالک عثمانیه یی باشند باشه طولاشدق. تجربه ومشاهده مزه مستنداً شمدی علناً بیان ایتک مجبوریتنده یزکه، اوروپا سزک حقکزده حقیقه مغایر شعار عدالت معمله ایدیور. سز، مرید وناموسکار آدملر سکز. سز، اجنبیلره فنالق یاققدن، تجاوز ایتکدن قطعاً اوزا سکز. بوکاطیبعتکز مساعد دکلدرد. بز، صمیمی تأثراتمله سزه بیان ایدیورز که سز، کندی آغوشکزدده هر نوع ییلانلر بسلنیور سکز! بوسوزلرمله، عثمانلی تبعه سنک اوقسمندن بحث ایتک ایسته یورز که بونلر، ممکن اولدینی قدر چوق پاره قزاق ایچون عثمانلی اولشلردر. عثمانلی ایمپراطورلری دوچار تهلکه اولنجه، بونلرقلبا مربوط اولدقلری تابعیته کچرلر، وهرنه واسطه ایله اولورسه اولسون سزه آلاجه سنه اهانت ایدرلر.

بزم ترکلر [۱] حقنده، حقیقی ترکلر (یعنی حقیقی عثمانلی مسلمانلری) حقنده پک بیوک توجهمز واردر. اگر نصایح دوستانه مزی قبول ایدرسه کز سزه شونصیحتلری ویریرز:

بوندن صکره جدیتله چالیشکز، صنایعه، تجارتده، زراعتده ترقی ایتکه غیرت ایدیکز. حوایج ضروریه کزدن اولان موادی اولا کندی کز اعمال ایدیکز. سزک خرابیکزه، باخصوص خرابی معنویکزه هان سبب یکنه اولان او ساخته عثمانیلردن، هیچ برشی صائون آلامق خصوصنده اتحاد ایدیکز.

حتی برکون، آسیایه چکلمک مجبوریتنده قالیسه کز، بو اشخاصی آراکزه قبول ایتیه یکز.

زواللی ترکلر (مسلمانلر)، کندی مملکتکزی کندی کز ترقی ایتدیریکز... اگر سز، برکون استانبولی الدن قاچیرمق مجبوریتنده قالیسه کز، نه قدر کیمسه لر، باخصوص روملر، - که سزک حقکزده اوقدر تفوهاتده بولنورلر - سزه پک زیاده تأسفسخوان اوله جقلردر. آنلر کندی کندیلرینه شو صورته سویلنه جکلردر: «آه نرده او ای زمانلر که، بوراده ترکلر اجرای سلطنت ایدیورلردی. او زمانلر که، هر شی بزه مساعد ایدی. اوزمانلر که، بز، ایستدیکمز قدر پاره قازانیوردق.»

ذکیر، اک عقلی باشنده اولانلر، پک اعلا بیلورلر که، آنلر ایچون نه بلغارلرله، نه دیکرلرله اوقدر راحت ورفاه ایچنده یشامق ممکن اولیه جقلردر. بونلر، مملکت اصلیه لرینه عودت ایتک خصوصنی ده اصلا خاطرلرینه کتیرمز لر. زیرا بیلرلر که، اوراده آجقلدن تلف اوله جقلردر.

حقیقتاً شایان تأسف در که، ایمپراطورلرکز اهالیسی یالکز ترکلردن (مسلمانلردن) عبارت دکلدرد... زیرا او صورتده سزی ده ایو طانیق، و سزی ده اچوق تقدیر ایتک ممکن اوله جق ایدی.

اگر سز بدایتده، مثلاً استانبولی فتح ایتدیککز زمانلرده دیکر ملتله اوقدر امتیازات بخش ایتمه مش، ومملکتکزدده قالمق ایسته یلرک مسلمان اولرینی تحت مجبوریته آلمش اولسه ایدیکز، شمدی بولندیغکز حاله دوشمیه جک ایدیکز.

هر نه اولورسه اولسون، بز یوکسک سسله بیان ایدیورز که، عالم سزک حقکزده حقسلق ایدیور. اوروپا سزی اصلاً طانیور و سزک حقکزده، سزک دشمنلریکزک کاذب راپورلری، ومرویاتی اوزرینه اعطای حکم ایتک جرأتنده بولنیور.

اوقدر زماندن بری ترکیاده اصرار حیات ایدن بز فرانسلر، سزه اک صمیمی حرمت وتوجهلر مز حقنده اعطای تأمینات ایدر، و بو کون ایچنده بولندیغکز بحران مصیبت انکیدن ممکن اولدینی قدر اک از ضررله تخلیص کریبان ایتکیزی صمیم قلبمله تمی ایلرز.

[۱] اجنبیلرک «تورک» تعبیرندن مقصدلری، عناصر غیر مسلمنه ک ماعداسی اولان عثمانلی مسلمانلری در.